

CNS8487

U CB 04-09 00180 BA405

aab

Mahathir - AIDS

MELAKA, 4 Sept (Bernama) -- Datuk Seri Dr Mahathir Mohamad hari ini berkata hukuman paling berat akan dikenakan terhadap mereka yang membawa masuk pelacur dari negara jiran terutama yang dijangkiti AIDS, ke negara ini.

+Saya ingin memberi amaran kepada mereka yang terlibat membawa orang ini ke Malaysia bahawa mereka membuat suatu penganiayaan kepada rakyat negara ini.+ kata Perdana Menteri pada persidangan akhbar selepas mempengerusikan mesyuarat Kabinet di sini.

Katanya, penyakit AIDS bukan berpunca daripada rakyat Malaysia sendiri tetapi dibawa oleh pelacur yang dibawa masuk dari negara jiran.

+Mereka tidak harus membawa orang ini ke Malaysia dan jika kita dapati mereka terlibat, mereka akan dikenakan hukuman yang seberat-beratnya,+ katanya.

Beliau berkata kerajaan akan meminda undang-undang yang ada jika hukuman yang dikenakan sekarang tidak cukup berat.

+Secara terus-terang saya kata pelacur-pelacur yang datang dari negara jiran yang membawa penyakit AIDS. Kita telah dapat mengesan beberapa orang yang telah ditangkap tetapi seperti biasa yang dapat dikesan mungkin cuma sebilangan kecil sahaja.+ katanya. -- Lagi.

♥04/09/16-55MST

CNS8492

U CB 04-09 00119 BA406

aab

Mahathir - AIDS 2 Melaka

Katanya, mesyuarat Kabinet hari ini melahirkan pandangan serius terhadap dua penyakit yang sedang merebak di negara ini iaitu AIDS dan demam denggi.

Datuk Seri Dr Mahathir menasihati seluruh rakyat supaya sedar tentang bahawa AIDS kerana ia menghilangkan daya tahan mangsanya untuk melawan penyakit sehingga mereka menemui ajal.

Katanya, mereka hendaklah mengelakkan diri daripada kegiatan yang boleh membawa jangkitan AIDS kerana ia juga boleh menyebabkan keluarga mereka dijangkiti.

Mengenai denggi, Perdana Menteri berkata ia kini merebak, termasuk di bandar kerana orang ramai tidak menghiraukan bekas-bekas kosong yang terbiar dan ditakungi air yang membolehkan pembiakan nyamuk Aedes, pembawa kuman denggi. -- Lagi.

♥04/09/16-58MST

CNS8493

U CB 04-09 00093 BA407

aab

Mahathir - AIDS 3 (Akhir) Melaka

Beliau berkata walaupun kerajaan melalui pihak berkuasa tempatan dan kesihatan mengambil langkah tertentu untuk membasmi nyamuk Aedes, usaha itu tidak akan berjaya jika orang ramai tidak memberi perhatian terhadap kebersihan kawasan sekitar masing-masing.

Katanya, jiran tetangga hendaklah saling mengambil berat mengenai kebersihan kawasan sekitar masing-masing untuk membasmi wabak itu.

Datuk Seri Dr Mahathir berkata kerajaan khuatir kalau-kalau wabak itu akan menjejaskan industri pelancongan sekiranya pelawat asing dijangkiti penyakit itu di negara ini. -- Bernama.

♥04/09/16-59MST